

ქ. თბილისი

21 აგვისტო 2019 წ.

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ შპს „ორიენტ ლოჯიკი“ (შემდგომში „მიმწოდებელი“), წარმოდგენილი მისი დირექტორის ვაჟა ნასყიდაშვილის სახით, სახელმწიფო შესყიდვების კანონის და პრეტენდენტის (შპს „ორიენტ ლოჯიკი“) სატენდერო წინადადების საფუძველზე, ერთეულოვანი ელექტრონული ტენდერის (SPA190003901) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ეკონომიკური საქმიანობიდან მიღებული შემოსავლების დაფინანსების ფარგლებში სსიპ ივანე ჯავახიშვილის სახელობის თბილისის სახელმწიფო უნივერსიტეტისთვის ოპტიკური ხელსაწყოების (CPV38600000), პროექტორების (მონტაჟით) (CPV38652100) პროექტორის ეკრანების და საკიდების (CPV38653400) სახელმწიფო შესყიდვა.
- 2.2. ხელშეკრულებით გათვალისწინებული შესყიდვის ობიექტის სრული აღწერა და ძირითადი მახასიათებლები მოცემულია დანართი N1-ში (ფასების ცხრილი), რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 71867.00 (სამოცდათერთმეტიათას რვაას-სამოცდაშვიდი ლარი და 00 თეთრი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ საქონლის მიწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. გარანტია

- 4.1. მიმწოდებელი იძლევა მიწოდებული შესყიდვის ობიექტის არსებულ სტანდარტებთან შესაბამისობის გარანტიას, რომ შესყიდვის ობიექტი იქნება ახალი, არა მეორადი ქარხნულად აღდგენილი/გადამუშავებული. საქონელი შეფუთული უნდა იყოს მწარმოებლის ბრენდირებულ კოლოფში, კოლოფზე ქარხნულად დაბეჭდილი მწარმოებლის მითითებით, შეფუთვის მთლიანობა არ იქნება დარღვეული.

- 4.2. შესყიდვის ობიექტის სრულფასოვანი ფუნქციონირების საგარანტიო ვადა განისაზღვრება ფასების ცხრილში, დანართი #1-ში მითითებული პოზიციების შესაბამისად.
- 4.3. საგარანტიო პერიოდში ინსპექტირება ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
- 4.4. საქონლის მიღებისას ინსპექტირების პროცესში ქარხნული წუნი/ხარვეზის აღმოჩენის შემთხვევაში მიმწოდებელი ვალდებულია შეცვალოს საქონელი ახლით წუნი/ხარვეზის დაფიქსირებიდან 15 (თხუთმეტი) კალენდარული დღის ვადაში.
- 4.5. საგარანტიო პერიოდში ექსპლუატაციის პროცესში, მექანიკური, უხარისხო ძაბვით და/ან არასწორი მოხმარებით გამოწვეული დაზიანების გარდა, წარმოქმნილი ხარვეზების არსებობის შემთხვევაში, შემსყიდველი წერილობით ან/და ელექტრონული ფორმით აცნობებს მომსახურების გაწევის საჭიროების შესახებ „მიმწოდებელს“. „მიმწოდებელი“ მისი წარმომადგენლის მიერ, საკუთარი ხარჯებით (ტრანსპორტირების ჩათვლით) შეტყობინებიდან არაუგვიანეს მესამე სამუშაო დღისა ახდენს რეაგირებას. საჭიროების შემთხვევაში ორი სამუშაო დღის ვადაში დგება დეფექტური აქტი, რომელიც მოიცავს შესასრულებელ სამუშაოებს და მათ ხანგრძლივობას. სერვისის მომსახურება განხორციელდება არაუმეტეს 10 (ათი) კალენდარული დღის ვადაში თუ ასეთი პროდუქციისათვის საჭირო სათადარიგო ნაწილები მიმწოდებელს აქვს ადგილზე (საწყობში), წინააღმდეგ შემთხვევაში დეფექტური აქტით განსაზღვრულ გონივრულ ვადაში, მაგრამ არაუმეტეს 15 (თხუთმეტი) კალენდარული დღისა.
- 4.6. იმ შემთხვევაში თუ საქონელი არ ექვემდებარება შეკეთებას ან/და ვერ მოხერხდა ნივთის შეკეთება მიმწოდებლის მიერ, ამასთანავე შეკეთებიდან 1 თვეში გამოვლინდა იგივე დეფექტი ან საგარანტიო ვადის განმავლობაში იგივე დეფექტი გამოვლინდა 3 ჯერ, უნდა მოხდეს აღნიშნული ნივთის შეცვლა.
- 4.7. ნივთის შეცვლა ხდება ხარვეზის აღმოჩენიდან არაუგვიანეს 30 კალენდარული დღის განმავლობაში, იგივე ან უკეთესი მახასიათებლების ტექნიკით, ღირებულება აითვლება შეცვლის მომენტში შესაცვლელი მოწყობილობის ფასით.

5. ინსტალაცია და მონტაჟი

- 5.1. გაწეული მომსახურება უნდა იყოს ხარისხიანი და შეესაბამებოდეს სატენდერო დოკუმენტაციის ტექნიკური დავალების მოთხოვნებს;
- 5.2. გაწეული მომსახურების საგარანტიო ვადა სწორი ექსპლუატაციის პირობებში უნდა შეადგენდეს ექსპლუატაციაში გაშვების შესახებ შედგენილი დოკუმენტის გაფორმების თარიღიდან მინიმუმ 24 (ოცდაოთხი) თვეს, რომლის დროსაც გამოვლენილი ხარვეზები უნდა აღმოფხვრას მიმწოდებელმა საკუთარი ხარჯებით, შემსყიდველის მხრიდან რაიმე დამატებითი დანახარჯის გაწევის გარეშე არაუმეტეს 10 კალენდარული დღის ვადაში (რომელიც აითვლება შეტყობინების გაგზავნის მომდევნო დღიდან).
- 5.3. უხარისხო ან/და ხარვეზის მქონე მომსახურების დაფიქსირების შემთხვევაში, შემსყიდველი უფლებამოსილია მოითხოვოს გამოვლენილი ხარვეზის გამოსწორება. აღნიშნულის შესახებ შემსყიდველი ატყობინებს მიმწოდებელს წერილობით ან/და ელექტრონული ფოსტის მეშვეობით (მიმწოდებლის მიერ მითითებულ ელ. მისამართზე).
- 5.4. მიმწოდებელი ვალდებულია, ყოველგვარი წინა პირობის გარეშე, გონივრულ მაგრამ არაუმეტეს 7 (შვიდი) კალენდარული დღის ვადაში, უზრუნველყოს ნაკლოვანებების აღმოფხვრა. აღნიშნული ვადის გასვლის შემდეგ მიმწოდებელს დაეკისრება პირგასამტეხლო, სახელშეკრულებო ღირებულების 0,02%-ის ოდენობით ყოველ ვადაგადაცილებულ დღეზე ხარვეზის აღმოფხვრამდე.
- 5.5. შემსყიდველ ორგანიზაციას უფლება აქვს უარი განაცხადოს წუნდებული მომსახურების მიღებაზე.



2

5. ხელშეკრულების შესრულების კონტროლი

5.1 ხელშეკრულების შესრულების კონტროლს განხორციელებს სსიპ ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფი, რომელთაც შეუძლიათ ინსპექტირება განხორციელონ ხელშეკრულების მოქმედების ნებისმიერ ეტაპზე, როგორც ინდივიდუალურად, ასევე ერთობლივად. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისათვის აუცილებელი პირობებისა და ნორმების დაცვას.

5.2. „შემსყიდველი“ ორგანიზაცია უფლებამოსილია აწარმოოს შესასყიდი საქონლის ხარისხის ინსპექტირება ხელშეკრულების მოქმედების ნებისმიერ ეტაპზე.

5.3 „შემსყიდველი“ ვალდებულია ოპერატიულად, წერილობითი სახით, აცნობოს „მიმწოდებელს“ საბოლოო შემოწმების შედეგი დაწუნებული საქონლის დასახელების და წუნდების მიზეზის მითითებით.

5.4. „მიმწოდებელი“ ვალდებულია საკუთარი ხარჯებით (ტრანსპორტირების ჩათვლით) უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული შესყიდვის ობიექტის შეცვლა.

6. შესყიდვის ობიექტის მიწოდების ვადა, ადგილი და პირობები

6.1. მიმწოდებელმა საკუთარი ხარჯებით უნდა უზრუნველყოს შესყიდვის ობიექტის მიწოდება ქ.თბილისი, ი.ჭავჭავაძის გამზ #1 ხელშეკრულების გაფორმებიდან 40 (ორმოცი) კალენდარული დღის განმავლობაში.

6.2. მონტაჟი/ინსტალაცია უნდა განხორციელდეს, ეტაპობრივად 2019 წლის 20 დეკემბრის ჩათვლით, შემსყიდველის მიერ მოთხოვნილი რაოდენობის შესაბამისად, უნივერსიტეტის სასწავლო კორპუსებში, თბილისის მასშტაბით, მოთხოვნიდან არაუმეტეს 7 (შვიდი) კალენდარული დღის ვადაში.

6.3. შესყიდვის ობიექტის მონტაჟი/ინსტალაციის რაოდენობა წარმოადგენს საორიენტაციო ციფრს, რომლის მიხედვითაც და საჭიროების ფარგლებშიც მოხდება მიმწოდებლისათვის შეკვეთის წარდგენა. შესაბამისად, შემსყიდველი ვალდებული არ არის სრულად აითვისოს ცხრილში მოცემული რაოდენობა.

6.4. ხელშეკრულების დამდებ არცერთ მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით, სათანადო სასაქონლო ზედნადების/საგადასახადო ანგარიშფაქტურის თანდართვით, „შემსყიდველისა“ და „მიმწოდებლის“ უფლებამოსილი წარმომადგენლების ხელმოწერით.

7.2. მიღება-ჩაბარებისას შემსყიდველი ორგანიზაცია განხორციელებს მიწოდებული შესყიდვის ობიექტის ინსპექტირებას. ინსპექტირების შედეგებზე შედგენილ იქნება დასკვნა უფლებამოსილი პირების ხელმოწერით.

8. ანგარიშსწორების ფორმა, ვადები და პირობები

8.1. „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

8.2. ანგარიშსწორება იწარმოებს უნაღდო ანგარიშსწორებით, ეტაპობრივად ფაქტიურად მოწოდებული საქონლის და მომსახურების (მონტაჟი/ინსტალაცია) შესაბამისად, „შემსყიდველსა“ და „მიმწოდებელს“ შორის მიღება-ჩაბარების აქტის, სასაქონლო ზედნადების და/ან საგადასახადო ანგარიშ-ფაქტურის გამოწერიდან და ინსპექტირების ჯგუფის დადებითი დასკვნის წარმოდგენიდან 10 (ათი) სამუშაო დღის განმავლობაში.

9. მხარეთა პასუხისმგებლობა

- 9.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში, „შემსყიდველი“ უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0,02%-ის ოდენობით ყოველი გადაგადაცილებული დღისათვის.
- 9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.3. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს „შემსყიდველს“ პირგასამტეხლო გადასახდელი თანხის 0,02%-ის ოდენობით ყოველი გადაგადაცილებული დღისათვის.
- 9.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, „მიმწოდებელი“ იტოვებს უფლებას შეწყვიტოს ხელშეკრულება და მოსთხოვოს „შემსყიდველს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.5. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.
- 9.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5. მხარე ვალდებულია 10.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალების გამოყენებით შეატყობინოს მეორე მხარეს.

11. დაუძლეველი ძალა

- 11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.
- 11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 იანვრის ჩათვლით.

13.2. ხელშეკრულება შედგენილია ელექტრონულად და დამოწმებულია კვალიფიციური ელექტრონული ხელმოწერით ან ელექტრონული შტამპით.

შემსყიდველი

სსიპ –ივანე ჯავახიშვილის სახელობის
თბილისის სახელმწიფო უნივერსიტეტი
მისამართი – ი.ჭავჭავაძის გამზ #1

საბანკო რეკვიზიტები:

სახელმწიფო ხაზინა
ეკონომიკური შემოსავლები
სახაზ. კოდი - 3204050101
საიდენტიფიკაციო კოდი 204864548

მიმწოდებელი

შპს „ორიენტ ლოჯიკი“

ი/მისამართი – ვასო გომიაშვილის ქუჩა, N71

საბანკო რეკვიზიტები:

სს „ბაზის ბანკი“
ანგ. NGE96 BS00 0000 0005 9368 72
ბანკის კოდი CBASGE22
საიდენტიფიკაციო კოდი 202052054

სსიპ –ივანე ჯავახიშვილის სახელობის თბილისის
სახელმწიფო უნივერსიტეტის ადმინისტრაციის
ხელმძღვანელი



/ნ. ლესიანიძე/

შპს „ორიენტ ლოჯიკი“-ს დირექტორი

/ვ. ნასყიდაშვილი/

ფასების ცხრილი
ოპტიკური ხელსაწყოები (CPV38600000)

N	საქონლის დასახელება	აღწერილობა	მწარმოებელი და მოდელი	რაოდენობა	ერთეულის ფასი	სულ ღირებულება
1	პროექტორი (CPV38652100)	ტექნოლოგია: 3LCD; სიკაშკაშე: 3300 ANSI lm გაფართოება:(native) WXGA, 1280 x 800; ფორმატების მხარდაჭერა:16:10 (native); კონტრასტი:15 000 : 1 ნათურის მუშაობის დრო:6.000 საათი (სტანდარტულ რეჟიმში) /12 000 საათი (ეკონომ რეჟიმში); პროექციის დიაგნოზი: 0.91მ. - 9.07მ; ქვაკუთხედური დეფორმირების კორექცია (Keystone): ვერტიკალური ± 30 გრადუსი დინამიკი: 2 Watt ავტომატური დაძინების/stand by რეჟიმი ინტერფეისი - Power input 220v..HDMI in, VGA in, Audio in (RCA White/Red), Composite video in, USB 2.0 Type B, USB 2.0 Type A; თითოეულ პროექტორს კომპლექტში მოყვება: დისტანციური მართვის პულტი; გარანტია: პროექტორზე - მწარმოებლის გარანტია, 2 (ორი) წელი , ნათურაზე - მწარმოებლის გარანტია, 1 (ერთი) წელი ან 1000 საათი;	Epson EB-W05	35 ცალი	1612	56420
2	პროექტორის საკიდი (CPV38624000)	უნივერსალური გაშლის დიაგნოზი: 43cm to 65cm წონის დატვირთვა: 12 კგ. გარანტია: 1 (ერთი) წელი	Allscreen CPMS-4365	35 ცალი	38	1330
3	პროექტორის ეკრანი (CPV38653400)	ჩამოსაშლელი კედელზე დასამაგრებელი ზომა: 200x200 სმ. მონტაჟის ტიპი:კედელზე და ჭერზე გარანტია: 1 (ერთი) წელი	Allscreen CWP-8080	33 ცალი	198	6534
4	პროექტორის ეკრანი (CPV38653400)	პროექციის ტიპი: წინა ზომა: 180x180სმ. მონტაჟი:შტატივი (უნდა მოყვებოდეს შტატივი) გარანტია:1 (ერთი) წელი	Allscreen CTP-7272	1 ცალი	200	200
5	პროექტორის ელექტრო ეკრანი (CPV38653400)	პროექციის ტიპი: კედელზე დასაკიდებელი, ჩამოსაშლელი ეკრანი ზომა: 200x200cm მართვა: ავტომატური (ელექტრო დისტანციური პულტით) მონტაჟი: კედელზე და ჭერზე გარანტია: 1 (ერთი) წელი	Allscreen CMP-8080	1 ცალი	308	308
6	პროექტორის ვიდეო კაბელი (CPV38624000)	შემოთავაზებულ პროექტორებთან თავსებადი HDMI კაბელი კონექტორები ორივე მხარეს: HDMI 19Pin, Male. Cotton Braided HDMI Cable 15M Silvery Metal Type	VENTION AABIN	40 ცალი	50	2000
7	კონვერტორი პროექტორისათვის (CPV38624000)	VGA (male) to HDMI (female) Converter კონვერტორი, რომელიც შეძლებს კომპიუტერის (ნოუტბუქის) VGA გამოსავალი პორტიდან ვიდეო სიგნალი მიაწოდოს ჭერზე დაკიდებულ პროექტორს. უკვე კედელში ჩამონტაჟებული HDMI კაბელით (male დამოლოგებებით).	VENTION ACNBB	15 ცალი	35	525
8	ინსტალაცია და მონტაჟი	შესყიდვის ობიექტის ორგანიზაციის იურიდიულ მისამართზე მოწოდება, მონტაჟი/ინსტალაცია, ექსპლუატაციაში გაშვება. (მონტაჟისათვის საჭირო საკაბელო არხებისა და ელექტრო კაბელების ჩათვლით) რაოდენობა წარმოადგენს საორიენტაციო ციფრს, რომლის მიხედვითაც და საჭიროების ფარგლებშიც მოხდება მიმწოდებლისათვის შეკვეთის წარდგენა. შესაბამისად, შემსყიდველი ვალდებული არ არის სრულად აითვისოს ცხრილში მოცემული ინსტალაცია და მონტაჟის რაოდენობა.		35 ცალი	130	4550
სულ ფასი					71867.00 ლარი	

სსიპ –ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის ხელმძღვანელი

/ნ. ოვსიანიკოვა/

შპს „ორიენტ ლოჯიკი“-ს დირექტორი

/გ. ნასყიდაშვილი/

ინფორმაცია ინტერესთა კონფლიქტის შესახებ

“ 21 “ აგვისტო 2019 წ.


„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, თითოეული პირი ხელის მოწერით ადასტურებს, რომ სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ, ერთეულოვანი ელექტრონული ტენდერის, საშუალებით ოპტიკური ხელსაწყოების CPV38600000 სახელმწიფო შესყიდვის განხორციელებაში (განცხადების ნომერი SPA190003901, გამოცხადების თარიღი 2019 წლის 29 ივლისი) მისი მონაწილეობა შპს „ორიენტ ლოჯიკი“-სთან არ იწვევს ინტერესთა კონფლიქტს.

თსუ ადმინისტრაციის ხელმძღვანელი



ნ. ოვსიანიკოვა

თსუ შესყიდვების განყოფილების უფროსის
მოვალეობის შემსრულებელი



ა. მერკვილიშვილი